

¡BOMBA!

Con don Trump vemos lo mismo,
en su vuelta al Capitolio;
¿Quién detenta el monopolio:
patrocinar terrorismo?



K'uintsil

Martes 21 de enero de 2025

CAMPECHE · YUCATÁN · QUINTANA ROO · AÑO 10 · NÚMERO 2401 · www.lajornadamaya.mx



Tu chukaj 39 ja'abo'ob yanak Sian Ka'an; táan u k'iimbessa'al yéetel e'esajil

Miguel Améndola / p 21
Oochel ayuntamiento de Tulum

Úuchik u chukik 39 ja'abo'ob chiimpolta'ak Sian Ka'an beey Reserva de la Biosfera, le 21 ti' eneroa, jts'a'ab k'ajóoltbil u ye'esajil Donde nace el cielo, santuario de vida, meyaj ku kaxtik noj ba'alkúunsik u k'a'ananiil u kuxtal yaan tu baantail maaya lu'um Quintana Roo.

U curaduríaile' beeta'ab tumen xbeet cha'an Erika López, máax k'ajóolta'an xan beey Erika Zotz, yéetel kaambanaja'an yóok'olal patrimonio natural, cultural beyxan

mixto tu noj lu'umil México, máax xan meyajnaj beey curadora yéetel u xjo'olbesajil le e'esajilo'.

Ti' tsikbal tu beetaje, Erika Zotz' tu ya'alaj múul meyaj yanchaj ichil u kúuchil meyaj Reserva de Sian Ka'an yéetel u ayuntamientoil Felipe Carrillo Puerto beyxan Tulumé, jach k'a'ananiil ti'al u béeytal e'esajil chún las 4:30 u tala u chíinil k'iin, tu kúuchil Teatro de la Ciudad ti' u kaajil Felipe Carrillo Puerto yéetel yaan u béeytal u cha'antal tak tu k'iinil 27 ti' enero.

Tu tsolaj e'esajile' ku chíikbesik u jejeláasil kuxtal yaan te'el k'áaxo', je'el bix peteno'ob, ts'ono'oto'ob, chak te'ob, ichil uláak'o'ob; beyxan Sistema Arrecifal Mesoamericano (SAM).

Jejeláas kuxtal yaan te'elo' ku ye'esa'al yéetel u meyaj jch'a'a oochelo'ob yéetel kúuchilo'ob, je'el bix Roberto GJO, Brisa Sánchez, Omar Ortíz, Emiliano Zarazúa, Juanita Poot, u kúuchil Centro Investigador del Sistema Acuífero de Quintana Roo (CINDAQ), u

múuch'kabil Oceanus, México Ka'an Tours, Comunidad y Biodiversidad (Cobi), Universidad Autónoma de Quintana Roo, IFAW tu'ux táaka'an Víctor Rosales yéetel El Colegio de la Frontera Sur (Ecosur).

Ti'al u béeytal meyajé, yanchaj u yáantajil mola'ayo'ob je'el bix Comisión Nacional de Áreas Naturales Protegidas (Conanp), Hola Tulum, Son de México, World Wildlife Fund (WWF), Amigos de Sian Ka'an yéetel Slow Food.